

Sarajevski otvoreni centar i Misija OSCE-a u Bosni i Hercegovini sa zadovoljstvom upućuju istraživačicama i istraživačima, te aktivistima i aktivisticama

Poziv za podnošenje naučno-istraživačkih radova na temu:

„Kojeg je roda sigurnost 2.0? 20 godina od usvajanja Rezolucije 'Žene, mir i sigurnost' u kontekstu Bosne i Hercegovine“

Rok za podnošenje prijava: 15. oktobar 2019. godine

Kontekst¹

Imajući u vidu činjenicu da sukobi na različit način pogađaju žene, muškarce, djevojčice i dječake, te na osnovu iskustava iz sukoba na Balkanu, ali i iz drugih dijelova svijeta, Vijeće sigurnosti UN-a usvojilo je 2000. godine Rezoluciju 1325 „Žene, mir i sigurnost“ (UNSCR 1325). Rezolucija 1325 i osam narednih rezolucija na istu temu predstavljaju okvir politike djelovanja o tome kako međunarodne organizacije, države članice UN-a i organizacije civilnog društva treba da se angažuju u rano upozoravanje, upravljanje sukobima, mirovne pregovore i postkonfliktnu obnovu, kroz osiguranje aktivnog učešća žena i muškaraca koji dolaze iz svih društvenih kategorija i sa različitim identitetima. Bosna i Hercegovina (BiH) je bila u središtu ovih događanja. Na 20. godišnjicu usvajanja Rezolucije 1325, kao i putem ovog poziva za podnošenje naučno-istraživačkih radova, cilj nam je osvrnuti se na dešavanja u ovoj oblasti u proteklim godinama.

Područje istraživanja

Radovi mogu biti iz svih društvenih nauka i disciplina (uključujući političke nauke, sociologiju, pravo, ekonomiju, mirovne studije, sigurnosne studije, kriminologiju, pedagogiju, rodne studije, antropologiju i etnologiju), ili iz multidisciplinarnе perspektive. Radovi ne smiju biti temeljeni na fikciji i moraju imati naučno-istraživački fokus (tj. empirijski, kvalitativni i komparativni). Radovi se mogu baviti mikro, mezo i/ili makro nivoima stvarnosti ili analizama situacije. Moraju se odnositi isključivo na kontekst BiH ili na BiH u komparativnom smislu. Autorice i autori pozvani su da istraže i analiziraju, u kontekstu roda i sigurnosti, niz različitih tema u koje spadaju, ali se na njih ne ograničavaju: učešće u političkom i javnom životu, osnaživanje, rodno zasnovano i seksualno nasilje, maskulinitet, korupcija, razvoj situacije na polju obrazovnog sistema, izrada javnih politika djelovanja, razvoj situacije na lokalnom nivou, regionalne inicijative, itd.

Ko se može prijaviti?

Ovaj natječaj je otvoren za istraživače i istraživačice ili istraživački orijentisane aktivistice i aktiviste koji trenutno žive i rade u BiH. Prihvataju se radovi kako pojedinačnih autora i

¹ Sarajevski otvoreni centar, na inicijativu Tobiasa Flessenkempera i Damira Arsenijevića, objavio je sličan poziv za podnošenje radova i objavio uređeno izdanje pod nazivom „Kojeg je roda sigurnost?“, 2013. godine, dostupno na: http://soc.ba/site/wp-content/uploads/2013/10/Kojeg-je-roda-sigurnost_PRINT_engl.pdf

autorica tako i koautorski radovi. Za prijavljivanje posebno ohrabrujemo mlađe autorice i autore koji rade na diplomskom ili magistarskom radu ili doktorskoj tezi, te autorice i autore iz svih dijelova BiH.

Kako se prijaviti?

Formalni kriteriji:

- Između 4.000 i 7.000 riječi, bez automatskog formatiranja;
- Font teksta '*Times New Roman* – 12', font fusnote '*Times New Roman* – 10';
- '*single*' razmak redova, bez uvlačenja stupca i margina;
- 'APA' stil citiranja (autor/datum);
- Bosanski, hrvatski, srpski jezik.

Molimo Vas da u radovima ne navodite Vaše ime ili nazive institucija iz kojih dolazite.

Uz radove treba priložiti kratku biografiju (100-300 riječi) autorice ili autora ili više njih u odvojenom *Word* dokumentu.

Radove treba slati elektronski, najkasnije do ponoći 15. oktobra 2019. godine, na email adresu: jasmina@soc.ba. Autorice i autori će biti obaviješteni putem emaila o primitku njihovih radova.

Postupak odabira

Komisija za odabir, sastavljena od članova osoblja Misije OSCE-a u BiH, stručnjakinja i stručnjaka iz akademskog i civilnog društva, pregledat će podnesene radove. Autorice i autori čiji radovi budu odabrani bit će pozvani da prisustvuju dvodnevnoj radionici (u novembru ili decembru 2019. godine) na kojoj će se razmatrati i davati mišljenja na tekstove radova. Sve autorice i autori koji podnesu svoje radove bit će obaviješteni o rezultatima procesa odabira do 1. novembra 2019. godine. Honorar od 400 BAM bit će uplaćen po objavljenom članku. Publikacija će biti predstavljena 2020. godine tokom dva okrugla stola koja će organizirati Sarajevski otvoreni centar i Misija OSCE-a u Bosni i Hercegovini.

U slučaju da imate bilo kakvih pitanja, možete nas kontaktirati na email adresu: jasmina@soc.ba.